

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

de consortio fugiendo. cap. 25.

**urn:nbn:de:hbz:466:1-35578**

vt autem perseverantius oremus factus in agonia pro  
lixius orauit. Sublatis quoque in cælum oculis orasse  
traditur, vt & tu dum oras, mentis oculos ad deum cui  
suplicas, intendas & non alio verba, alio cogitatiōes  
ire finas. Parū efficax est lubricæ vagæque mentis ora  
tio, & non illuc intentæ vbi vult exaudiri. Ac ne singu  
la perquirere nimis prolixum sit, omnium virtutū, om  
nisque sanctitatis cum p̄ceptum tū exemplum, a salua  
tore nostro ac domino, & tutius petitur & iucundius  
consideratur. Christus enim quia veritas est non errat,  
quia bonitas est, non fallit, quia sapientia est nouit om  
nia, quia virtus dei est potest omnia, quia denique sal  
uator populi sui est, quicquid egit, quicquid dixit, ad  
omnium spectat salutem. Seruiamus igitur illi in san  
ctitate & iustitia omnibus diebus nostris, memores be  
neficiorum suorum, atque assidue nobiscum recolentes  
ea quæ non solum verbis docuit, sed etiam re atq; ope  
re probauit, vt his instructi eidem quantum fieri po  
test similes effici curemus, & cuius virtutes unitati fu  
erimus, eius beatitatis atq; gloriæ participes esse me  
reamur.

## De consortio fugiendo. Ca. xxv.

**C**onferet plurimum ad vitæ sanctioris cultum,  
nosse quorum cōsuetudine vt̄ debeat, quorum  
non debeat; cum quibus conuiuere, colloqui, cō  
uersari, quos declinare ac fugere oportet. Relinuen  
di sunt, quorum tibi nota fuerit peruersæ mentis per  
tinacia (id est) qui vel errorem suum de posituri nō vi  
dentur, vel a scelere in quo perseverant recessuri. No  
cuit Israelitico populo habitasse cum AEGYPTIIS.  
Inde enim Moysē duce egressi ritu eorum viuere vole  
bant, crapulari, ludere, dñs gentilium sacrificare, atque  
hæc causa fuit, vt posteri quoque eorum toties inimi  
cis subiecti seruirent. Reete itaque dicitur: Filii abomi Eccle. 41.  
natiōum sunt filii peccatorum, & qui conuersantur se  
cus domos impiorum. Contagione quippe trahitur vi  
tium si conuersaris cum vitiōso, ac veluti pestilentia

morbos afflatus tactuque ægrotantis inficere solet sanos, ita infidelium familiaritas plerūq; fideli viro perniciem parit. Idcirco per os Ieremiæ clamat nobis dominus: Fugite de medio Babylonis, ut saluet unusquisque animam suam, & per os Osee: Nolite ingredi in galgala, & non ascenderitis in Bathauem, loca videlicet profana idolorumque polluta culturis atq; immunda. Saluator etiam noster & dominus: In viam gentium, inquit ne abieritis & cauete a fermento pharisæorum. Hoc idem ad monet & hortatur Paulus apostolus d. Nolite iugū ducere cum infidelibus quæ enim participatio iustitiae cum iniqratate, aut quæ societas luci ad tenebras, quæ autem conuentio Christi ad Belial, aut quæ pars fidelium cum infidelis quis autem conuentus templo dei cum idolis? Vos enim estis templum dei vivi. Et ad Titum scribens ait, Hæreticum hominem postvnam

Iere.51.

Osee 4.

Mat. o.16

2.Cor.6.

Ad Tit. 3

2.Iohan.1

Mat.13.

& secundam correptionem deuita, sciens quia subuersus est qui eiusmodi est, & de linquit, cum sit proprio iudicio condemnatus. Eiusdem sententia est quia & eiusdem spiritus Iohannes apostolus cum , dicat: Si quis venit ad vos, & hanc doctrinam non affert nolite recipere eum in domum nec aue ei dixeritis, qui enim dicit illi aue, communicat operibus eius malignis. Quod si salutare quoque illos quibus nulla debetur salus, nefarium sit, quanto magis in consortium recipere? Cauenda igitur infideliū hominum conuersatio, maxime eorum qui ita auerti sunt, ut nulla superfit spes futuræ illorum conuerſionis & hoc A P O S T O L O R U M ipsorum exemplo qui cum videntur incredulos IVDAE OS C H R I S T V M nolle recipere ab eis discedentes alijs euangelizare dei verbum cœpere. Itaque ne perfectis quidem conuenit ad obstinatos accessio, cum ne in docendo operam perdant, tum ne molliter blandeque alloquendo fauere illorum erroris videantur. Non minus declinandi sunt, qui in flagitiis obdurate runt. Peccantem(inquit dominus) corripe inter te & ipsum, si te non audierit adhibe alium, si neque illum audierit, dic ecclesiam, si neque ecclesiam audierit, sit

tibi sicut ethnicus & publicanus. Pro infideli ergo habatur, quem peccasse omnino non pœnitet, quiq; nulla correptione ad emendandum flectitur. Quod si cum tali conuersari te delectauerit, mores quoque diligere in cipias necesse est. Alioquin ipsa viræ diuersitas cito vestram dirimet societatem: & vbi dissimilis intercesserit voluntas, conuictus concors esse non poterit. In pro uerbijs dicitur, *Noli esse amicus homini iracundo, ne que ambules cum viro furioso, ne forte discas semitas eius, & sumas scandalum animæ tuæ.* Non hoc præcipitur, ne bene illi optes, & si poteris, facias, sed ne illo familiariter utaris. Iracundus enim is est, qui facile ac leuissima de causa irascitur. Est autem difficile semper irascenti atque insultanti non aliquando irasci, & contra furentem non indignari, & ex indignatione non peccare. Ita superbo etiam si comes fueris, arrogans elatusque euades, testatur hoc Ecclesiasti *Eccl.13*, *eccl. dicens.* Qui tetigerit picem, inquinabitur ab ea, & qui communicauerit superbo, induet superbiam. Cum enim hominis ingenium ad vitia magis quam ad virtutes proclive sit, magis verendum est, ne vir bonus malo adhærēs corrūpat, quam sperandum ut malus æmulatione boni mores emendet. Quamobrem Apostolus diuersis vitijs inquinatis in unum colligens ait, *1.Cor.5.*

*Si sis qui frater nominatur inter vos, est fornicator, aut auarus, aut idolis seruiens, aut maledicus, aut ebriosus, aut rapax, cum huiusmodi nec cibum quidem sumite.* Sciebat enim quia iuxta fornicationem periclitetur castitas, iuxta auarum liberalitas, iuxta idolatriam religio, iuxta maleficum patientia, iuxta ebriosum temperantia, iuxta rapacem alieni abstinentia, & non esse tutum probo viro cum iniquis commorari. Ingemiscit Isaias & angitur animo vehementer, quod habitaret in medio populi labia polluta habentis, seque ex eo labia sua polluisse confitetur atque fecerit. Et si sanctus propheta viuendo inter iniquos detrimentum sentit, quis est tantæ constantia, ut cum flagitosis conuersando lapsum non timeat?

*Isai. 6.*

Vis nosse quia scelestis & profanis hominibus iungī dī  
 spliceat ipsi deo Iosaphati regis Iudæ naues tempesta  
 te confractæ sunt, deo indignante, q̄ in sortem earum  
 admisisset Ochoziam impiissimum Samariae regem. Id  
 quidem hanc ipsa de causa Eliezer filius Dodau de Mares  
 sa prædixerat futurum Iterum requisitus Iosaphat no  
 luit iungi illi, satis damno suo edoctus viride lignum  
 arido applicatum simul comburi solere, & temerarium  
 esse rursus committere, quod iam aperte intellexerat  
 deo non placere. Magi Christum natum pie quærentes  
 cum forte ad Herodem diuerissent, syderei luminis du  
 catum amiserunt, & tenebras patiuntur quamdiu cum  
 illo tetricumq; mentis homine manent. Fcessat igitur  
 pessimus quisq; a consortio tuo, ne cum illo manendo  
 inquieris, ne illum frustra docendo operam perdas, ne  
 illi adhærendo deum offendas. Mulierum & conuer  
 satio castitatem professis est vitanda, dicente in puer  
 biis Salomone, Longe fac ab ea viam tuam, & ne app  
 pinques foribus domus eius. Quod si multi aspectu illi  
 us, multi colloquio semel inito, multi ipsa visu formæ  
 cogitatione irretiti sunt, nonnemaius periculum immi  
 net, vbi proprius assidetur, frequentius verba miscentur  
 vbi ridenti arridetur, vbi crebra congressio mutua q̄q;  
 tactio fecit licentiam de hoc plenus suo loco disscire  
 mus, restat videndum cum ab his discesserimus, ad  
 quos accedere, cum quibus nos frequentes esse nobis  
 proderit.

### ¶ De confortio habendo. Cap. XXVI

**S**i forte ille, quo diu familiariter vsus es, a via vir  
 tutis declinavit, retrorsum abiit, & saepe admoni  
 tus redire noluerit, dimitte eum, & membrū quod  
 te scandalizat, abscede atq; a te proince: melius enim ti  
 bi est sine illo ingredi regnum dei, quam cum illo mit  
 ti in gehennam. Dimitte igitur mortuos sepelire mor  
 tuos suos, tu Christum qui vita est sequere, ut viuas &  
 æternæ mortis expers efficiare. Quod si adhuc illi se ul  
 tro ingerunt tibi, tu auersus cum psalmista exclama: